

نوآبادیاتی نفسیات

نہشتہ کار: نمیرانیں کمبر چاکر بلوچ

براہوئی مت: گزین بلوچ

امر کہ نوآبادیات بست و بند سوگو و طاقتور مر سہ کیک اندن نوآبادیاتی مخلوق ناتہٹی بند غی کٹیسہ کیک. تینا بولی، ر بیدگ، تاریخ و دوس ہر گڑ آن بیزار مریسہ کیک، نفرت نادیوال آک بڑز مریسہ کارہ، نوآبادیاتی چاگڑد ہر اتینا بہادری، دلیری و مہمان داری آفخر کریہ ولے داسہ ہر گڑاغان دو سلانو تو سنو۔

نوآبادیات (کوزہ گر) تینا ہزار سال مالونا عظیم آتاریخ، دود و رواج، بولی اندن کہ ہر گڑا دونا استعماری طاغت آن کم خلنگ، نزور و غیر مہذب سرپد مریک۔ اندن کہ نوآبادیاتی بند غ ناوڑٹ جانور جوڑ مریک۔ بے حس، لغور، غیر مہذب ولے اینوام تینا مخلوق تون جنگ کیک۔ نوآبادیاتی بست و بند نئی مخلوق ناداحالت ۽ بے دادی ٹ کیک۔ ہند اوڑٹ بے دادی کنگ ناسوب آن جہی مخلوق نابند غی (انسانیت) کھٹک، اندن او ساہدار جوڑ مریرہ گڑا او فتنہ تینا گلز مین و مخلوق، بولی، ر بیدگ تون مہر و مابت مریک ولے بے دادی ناخلمیس آن دافقادرشان ۽ کنگ کپسہ۔ ہندی (جہی) مخلوق ناہر دود، ڈول ۽ غیر مہذب پانک۔ اوقا تاریخ، بولی و ر بیدگ ۽ بیکار پانگ تون مخلوق ۽ مرننگ کن پانک، جہی مخلوق ۽ دیروی و مہذب ناجوفہ ٹی اوفتیان ہر ہمو گڑا ۽ پلک ہر اوقار کھ ۽ کیرہ او ہر ہمو کاریم ۽ کیک ہرائی نوآبادیات ناچند نامقاد مریک۔

لینن پانک:

"استبدادی طاغت پولیس و فوجی لشکر نازورٹ تینے منیک اندن ہمو غلام آچا گڑد نازی آحکومت کیک۔ تینے اندن نشان ایٹک کہ او نامسخت امن ۽ بحال کنگ ۽ ولے ہند انیون ٹی او مخلوق ناحق آتے پلک، طاغت تون او فتنہ نزور کیک، اندن او فتنہ غلامی نا احساس تیک۔"

جہان ٹی زندہ منگ ناحق ہمو فتنے ارے ہر اوقا طاغت مرے ولے نزور آراج آتے ہر وخت شیف خلنگ۔ جہان ٹی ہمو راج آک تینا شناخت اے سمبھالنگ کیرہ ہر اتینار کھ ۽ کنگ کیرہ۔

بلوچی ٹی پارہ:

بہرانی تمن ویران انت،

سیت گون شکلیں جنگاں انت

جنگی سامراج آک سلاء بند جنگ آن بیدس ایسر مننگ کپسہ۔ نو آبادیاتی طاغت اندن ء لجه اس دوئی کیک ہر اڑے جہی مخلوق ء جنگلی، غیر مہذب و ساہد ار نشان تنگ ناکوشت کیک، او فتا تچ، ر بیدگ، بولی نامسخرہ جوڑ کیک ہندن او فتنے تینے آن شیف خلک و او فتنے غلامی ناباور ایتک۔

جہی مخلوق نو آبادیات ناچم بازی وریفنگ ٹی بننگ آن پد احساس کمتری ناگواشی مریرہ ولے اند احساس کمتری زار جوڑ مریک، انتنے کہ دا احساس کمتری عزت نفس ء شیف خلک اند اوڑٹ جہی مخلوق تینا خنتیت تینٹ تمیرہ۔ ہر وخت تیسپہ تینے نفرت اٹ ہویرہ ولے اند نفرت ناسوب آن او فتا نیام نئی نسلی تعصب، مذہب و فرقہ واریت ناہاس آفرق بریک اند اوڈول اٹ تینا ساہ نادژ من تینٹ مریرہ۔ اند نفرت ولے دادی او فتنے ٹی بے دادی و دی کیک۔ اند اوڑٹ او فتنے باغی مننگ ناسوب و دی مریک۔

فرانز فینن پانک:

"Decolonization is always a violent phenomenon."

دانشور آتا قول ء کہ بے دادی ہر وخت بے دادی اٹ ایسر مریک ولے نن دا قول انا پد رندا ئی کان تونن دا سخ ہلینہ کہ ہر وخت جہان ٹی استعماری طاغت آک تینا طاغت ء بر جاہ تنگ کہ بے دادی نابولی اٹ ہیٹ کرینو۔

دانا مثال ٹی نن ویت نام نا مخلوق نا جہد ء خنینہ کہ ہر اوخت غیر ملکی امریکی غاصب آک شمالی ویت نام آئیٹ آتا کمک اٹ جنوبی ویت نام نازی آ بے دادی اٹ حکومت کنگ ناکوشت کریرو ولے بے دادی ناورندی بے دادی اٹ تننگا گڑا تچ استعماری طاغت بھم بھیر مس۔

داڑان بیدس انگریز جہان نا بھلون شے لے آ بے دادی اٹ حکومت کرے ولے دانا سوب اند اٹس کہ ملکہ ناتاج، قانود، پارلیمنٹ، جتا ادارہ آتا جواز تس کہ دافتنے حق دوئی ء کہ ایلو راج آتیا حکومت کیر ولے ہر کس دازوراکی، نو آبادیاتی بے دادی و پیشین نابروکا حکومت نابرخلاف برانز کرے گڑا دنگا بندغ آتے اسٹ اسٹ آزوراکی اٹ ایسر کنگ آ۔

سری لنگا ٹی 23 سال تامل آتا جہد و جہد ء پارلیمنٹ و قانود ناپن آزوراکی کنگا ولے مشرقی تیمور اٹی تیموری چاگڑد تینا آجونی کن اند و نیشیا نابے دادی ناورندی ء بے دادی اٹ تس، گڑا تینا مسخت اٹی سرسہب مسر۔ ولے دا جہد اٹی 2 لاکھ مشرقی تیموری فرزند آک قبرستان تے آبات کریر تینا ہم وطن آتے آسرات و آجو مشرقی تیمور اس تسر۔

جہان ٹی اسے پاش ء اصول لے کہ منفی رجحان ء "Negation" نا کمک اٹ ایسر کنگ مریک ولے نن اسے غلام راج نا حیثیت اٹ ارین گڑا ویت نام نا سے انقلابی منہ پارے "ہر کس نئے غلامی زمزمل کنگ ناکوشت کرے گڑا او دے ننا ویتنامی تا ایسری لاش آن گدرینگوئی تمو۔"

نے اسے نو آبادیاتی بست و بند اٹ اونگ مرے تو گڑا استعماری طاغت 48 سال آن تینا مکر، چم بازی و ایجنڈا تاکمک سٹ بلوچستان آ حکومت کنگ۔ استعماری باغت ہر وخت بے دادی نامک ۛ بلیک ولے بیرہ پن نابلوچ قوم پرست آتا حکومت ہر اینپ سنادرو شم سٹی بسوسس ولے اودے 6 تو ایسر کنگ آن پد بلوچ چا گڑد آ بے دادی نامک سٹ حکومت بنا ۛ کنگا۔ پاکستان نا وجود آن اینودے اسکان دنو وخت اس ام مننے کہ ہرائی بلوچ نازی آ بے دادی مف، بے دادی آن مراد بلوچ ۛ خلنگ، گم و گار کنگ، جشوک جون خسنگ، اوڑتون بے دادی نابولی اٹ ہیبت کنگ تاکہ بلوچی ربیدگ، بلوچ ناتارخ، دود تیوہ غاک ایسر کنگر او فتازی آپاکستانی سوچ گڈ و کنگ نا کوشست مسونے۔

ہر اوڑ سٹ استعماری طاغت نے بے دادی سٹ غلام جوڑ کرے، نا آجوی ۛ پلا و اینودے اسکان بلوچ نازی آ بے دادی اٹ حکومت کنگے۔ ہر ا بے دادی نامک سٹ استعماری طاغت جہی مخلوق ۛ غلام جوڑ کرینے، ولے ہندی مخلوق نا کنڈان بے دادی نا ورنندی ٹی بے دادی و مزاحمت او فنا انسانیت ۛ بحال کیک۔